# Madd Anju ''Wah Dis Fadda''

Visit "Wah Dis Fadda" on MotoLyrics.com

## Chorus:

Father forgive mi, mi nah complain But sometime the sysem stressing to the brain When things get tuff an times get harder Sometime wi affi ask, a wha dis fadda Repeat 2x

#### Verse 1:

Mi aim in life is to big like Shabba Things ruff now so mi thin out an mawga Mi a gwaan collect fare pan a old encava A me dis? A wha dis fadda

Two man back mi dung inna a rusty lada An say hey wah you a do over badman border Run or dead bwoy wha you rather So while mi a run mi afi ask, a wha dis fadda

Unu kibba unu mouth nuh mek mi gi unu di saga Mi use to have a big fat girl name Marva She run whe wid mi furniture and all a mi pardoner Mi mash up now, a wha dis fadda

Hot gal a stress dem man fi new clothes People a stress government fi new roads Some man nuh have cellular but yet dem have charger An a hype up pan we, a wha di fadda

## Repeat Chorus

### Verse 2:

Mi don't like prison, mi don't hate warder Mmi prefer to lead a life of law an order Yuh can imagine me inna prison by man a get sadda A gallis like me, a wha dis fadda

And even though mi like fi see sexy Marva Think she can mek mi sweat down an mawga Like fool go drown myself inna harbour An she still a live, a wha dis fadda Every youth a turn DJ, druggist or baller Nuh youth nuh want do nuttin like tun all farmer Dem seh hot bwoy nuh plant nuh yam or cassava So how dem ago eat, a wha dis fadda

Some big grey tone man a mop the schoolers A pure funny jokes dem a mek bout the rulers Dem seh sell out Ras fi go visit dem barber A nuh me say it, a wha dis fadda

Repeat Chorus

Verse 3:

Satan neva strike, gunman walk a night Some gal caan cook but fi man dem a fight The hole inna the ozone is getting broader Unu know wha a gwaan, a wha dis fadda

Sink or swim, Madd Anju ride rhythm An from a guy funny mi nuh cater fi him Mi hear say Ru Paul is getting larger A woman or man, a wha dis fadda

Zip zap Madd Anju get hot Mi like girls wha sexy mi love girls wha fat All girls bruk out from yuh know say yuh nuh mawga Watch dem nuh a wha dis fadda

Repeat Chorus

Visit Madd Anju page on MotoLyrics.com, to get more lyrics and videos.

<u>MotoLyrics.com</u> | Lyrics, music videos, artist biographies, releases and more.